

四庫全書

集部

欽定四庫全書

集部

碧溪詩話卷五

一至五

詳校官監察御史臣沈孫鍾

主事銜臣徐以坤覆勘

總校官編修臣王燕緒

校對官中書臣宋枋遠

謄錄監生臣舒秀岐

欽定四庫全書

集部九

碧溪詩話目錄

詩文評類

卷一

十九條

卷二

二十條

卷三

十九條

卷四

二十三條

卷五

二十二條

卷六

十九

卷七

二十七條

卷八

二十五條

卷九

二十三條

卷十

十七條

臣等謹案碧溪詩話十卷宋黃徹撰徹字常明陳振孫書錄解題作莆田人八閩通志作

邵武人意振孫時去徹未遠當得其真也朱
彝尊曝書亭集有是書跋厲鶚宋詩紀事亦
載徹詩彝尊但據八閩通志稱為紹興十五
年進士鶚亦但據此書自序言其嘗官辰州
皆不詳其始末惟鮑氏知不足齋藏本前有
乾道四年陳俊卿序又有徹子廓徹孫燾及
黃永存輯崇四跋燾跋載楊邦弼所作墓誌
稱徹登宣和甲辰第授辰州辰溪縣丞就升

令在任五年辟差沅州軍事判官攝倅事繼
權麻陽縣尋辟鄂之嘉魚令復權岳之平江
越半歲即真後忤權貴棄官歸張俊欲辟之
入幕不肯就遂終老子家又稱其在沅州定
猺賊之亂在麻陽擒巨寇曹成在平江佐征
楊么運饗亦有功而卒以不善諧俗罷所叙
徹之生平尚可槩見彝尊及鷄蓋均未見此
本故所言或舛或略也徹論詩大抵以風教

為本不高雕華然徹本工詩故能不失風人之旨非務以語錄為宗使比興之義都絕者在宋人詩話之中固不失為善本焉乾隆四十六年十二月恭校上

總纂官臣紀昀 臣陸錫熊 臣孫士毅

總校官 臣陸費墀

欽定四庫全書

茗溪詩話卷一

宋 黃徹 撰

漢高祖置酒沛宮酒酣擊筑自歌曰大風起兮雲飛揚
威加海內兮歸故鄉安得猛士兮守四方昔帝有天下
已十三年當思耆艾賢德與共維持獨專意猛士何哉
豈馬上三尺嫚罵餘態未易遽革耶治道終以霸褫蓋
有由然其前年下詔曰賢士大夫吾能尊顯之是年下

詔曰與天下之豪士賢大夫共安輯之竊謂播告之詞
乃秉筆代言非若耳熱之歌乃中心所欲也

唐文宗夏日聯句東坡謂宋玉對楚王雄風譏其知己
不知人也公權小子有美而無規為續之云一為居所
移苦樂永相忘願言均所施清陰及四方或謂五弦之
薰風解愠阜財已有陳善責難意愚謂不然凡規諫之
詞須切直分明乃可以感悟人主故盜言孔甘良藥苦
口若以薰風自南為陳善閉邪但恐後世導諛側媚說

持兩可者皆得以冒敢諫之名矣

諸史列傳首尾一律惟左氏傳春秋則不然千變萬化
有一人而稱日至數次異者族氏名字爵邑號謚皆密
布其中而寓諸褒貶此史家祖也觀少陵詩疑隱與此
合若云杜陵有布衣杜曲幸有桑麻田杜子將北征臣
甫憤所切甫也東西南北人有客有客字子美蓋自見
其里居名字也不作河西尉白頭拾遺徒步歸備員竊
補衮凡才省郎補官遷陟歷歷可考至叙他人亦然

金定四庫全書
卷一
如云聚聚元道州又云結也實國幹凡例森然誠春秋之法也

老杜送嚴武云公若登台輔臨危莫愛身寄裴道州蘇侍御云致君堯舜寄公等早據要路思捐軀此公素所蓄積而未及施設者故樂以告人耳夫全軀碌碌之人果何能為汲長孺曰天子置公卿寧令從諛承意縱愛身奈辱朝廷何任遐曰褚彥回保妻子愛性命遐能制之視此以驗二詩信而有徵矣自比稷契豈為過哉岑

侍御行軍詩云平生抱忠義不敢私微軀范文正公云
一入諫諍司鴻毛忽其身

孟子七篇論君與民者居半其餘欲得君蓋以安民也
觀杜陵窮年憂黎元嘆息腸內熱胡為將暮年憂世心
力弱宿花石戍云誰能叩君門下令減征賦寄柏學士
云幾時高議排君門各使蒼生有環堵寧令吾廬獨破
受凍死亦足而志在大庇天下寒士其心廣大異夫求
穴之螻蟻輩真得孟子所存矣東坡問老杜何如人或

金史四庫全書
卷一
云是司馬遷但能名其詩耳愚謂老杜似孟子蓋原其
心也

劔閣云吾將罪真宰意欲鏿疊嶂與太白槌碎黃鶴樓
剗却君山好語亦何異然劔閣詩意在削平僭竊尊崇
王室凜凜有忠義氣槌碎剗却之語但覺一味麓豪耳
故昔人論文字以意為上

岑參寄杜拾遺云聖朝無闕事自覺諫書稀退之贈崔
補缺云年少得途未要忙時清諫疏尤宜罕皆謬承荀

卿有面從無諫諍之語遂使阿諛奸佞之輩用以藉口以是知凡造意立言不可不預為天下來世慮

石荀行云惜哉俗態好豪蔽亦如小臣媚至尊小臣非小官也凡事君不以道雖官尊位崇不害為小臣耳下云政化錯逆失大體坐看傾危受厚恩此非官小者所當也但乍讀者則小臣之語似不指公卿耳末云安得壯士擲天外使人不疑見本根豈非渾敦窮奇投諸四裔使天下如同心戴舜者與

李義山任弘農尉嘗投詩謁告去却羨卞和雙別足一
生無復沒階趨雖為樂春罪人然用事出人意表尤
有餘味英俊屈沉強顏低意趨跣諾虎扼腕不平之氣
有甚於傷足者非履知直已不甘心於病哇下詆不能
賞此語之工也

張舍人遺織皮褥段云服飾定尊卑大哉萬古程煌煌
珠宮物寢處禍所嬰錦鯨卷還客始覺心和平其意在
明分守警貪饕屏斥玩物嚴道義之大節豈直專為詩

哉就中和平之語尤為可人世有豪橫凶人強委饋於
善士而不能驟絕之其心愧恥雖欲和平不可得也

子美世號詩史觀北征詩云皇帝二載秋閏八月初吉
送李校書云乾元元年春萬姓始安宅又戲二友詩元
年建巳月郎有焦校書元年建巳月官有王司直史筆
森嚴未易及也

賈生終童欲輕事征伐大抵少年躁銳使閱歷老成當
不如此昔人欲沈孫武於五湖斬白起於長平誠有謂

哉嘗愛老杜詩云慎勿吞青海無勞問越裳大君先息
戰歸馬華山陽又有安得壯士挽天河淨洗甲兵常不
用安得務農息戰鬪普天無吏橫索錢願戒兵猶火息
加四海深不眠憂戰伐無力征乾坤其愁嘆憂戚蓋以
人主生靈為念孟子以善言陳戰為大罪我戰必克為
民賊仁人之心易地皆然

昌黎贈張道士云詣闕三上書臣非黃冠師臣有膽與
無不忍死茹茨韋應物送李山人云聖朝多遺逸披膽

俞至尊豈是質榮寵誓將救元元聖謁贈師魯云臣豈
為身謀而要陛下睽皆急於得君非為利祿計也

一朝自罪已萬里車書通此與無逸旅葬孟子格君心
之非汲長孺諫上多欲魏鄭公十漸陸宣公之奉天詔
書無二道也明朝有封事數問夜如何此幸而得之坐
以待旦之意避人焚諫草騎馬欲雞棲所謂嘉謀嘉猷
入告爾后於內乃順之於外曰斯謀斯猷惟我后之德
也

霄漢瞻佳士泥塗任此身任字即是人不到處自衆人
必曰嘆曰媿獨無心任之所謂視如浮雲不易其介者
也繼云秋天正搖落回首大江濱大知並觀傲睨天地
汪汪萬頃奚足云哉

温公治第洛中闢園曰獨樂其心憂樂未始不在天下
也其自作記有云世有人肯同此樂必再拜以獻之矣
東坡賦詩云兒童誦君實走卒知司馬蓋言其得人心
也又云撫掌笑先生年來效瘖瘂疑未盡名之意

臨川送望之守臨江云黃雀有頭顧長行萬里餘想因
君出守暫得免芑苴使能行其言則虐生類以飽口腹
刻疲民以肥權勢者寡矣其詩纔二十字耳敦仁愛抑
奔競皆具焉何以多為

萬方頻送喜毋乃聖躬勞雖云稱賀收復抑又蘊深意
元首無為乃分位固然其所以遠離廟社遠播蒙塵者
諂諛之臣實為禍階耳噫諛言諂詐日陳乎前黃屋雖
欲不勞不可得也

溫公題趙舍人菴云清茶淡話難逢友濁酒狂歌易得
朋雖造次閒語亦在于直諒之益而退便佞之損也

碧溪詩話卷一

欽定四庫全書

碧溪詩話卷二

宋 黃徹 撰

老杜贈韋左丞有朝叩富兒門暮隨肥馬塵至為殘杯
冷炙之語及姜少府為清觴異味即云新歡便飽姜侯
德王倚為沽酒割鮮即云古人情義晚誰似豈附炎老
饕如是哉蓋託文字戲諧也然又不可不慮故有福性
合幽棲干請傷直恥干謁以自見其志亦如示侄佐云

甚聞霜薤白重惠意如何已應春得細頗覺寄來遲皆
戲言也終慮痴人以夢為實故示侄濟云所來為宗族
亦不為盤飧小人利口實薄俗難可論正如淵明乞食
篇云飢來驅我去不知竟何之行行至斯里叩門拙言
解其卑汙乃爾不肯為五斗折腰殆無異矣

世俗誇太白賜杼調羹為榮力士脫靴為勇愚觀唐宗
渠渠于白豈直樂道下賢者哉其意急得艷詞媒語以
悅婦人耳白之論撰亦不過為玉樓金殿鴛鴦翡翠等

語社稷蒼生何賴就使滑稽傲世然東方生不忘納諫
況黃屋既為之屈乎說者以謀謨潛密歷考全集愛民
憂國之心若子美語一何鮮也力士閹閹腐庸惟恐不
當人主意挾主勢驅之何所不可脫靴乃其職也自退
之為虬蟄撼大木之喻遂使後學吞聲愚竊謂如論其
文章豪逸真一代偉人如論其心術事業可施廊廟李
杜齊名真忝竊也

李商隱咏淮西碑云言訖屢領天子頤惟務奇崛人臣

言不當如此乘輿軒陛自不敢斥如老杜天顏有喜近
臣知蚪須似太宗可謂知體矣東坡贈寫御容詩云野
人不識日月角彷彿尚憶重瞳光天容玉色誰能畫老
師古寺畫閣房蓋遵此法

許汜不為陳元龍所禮嘗與劉備稱之備曰君有國士
名望無救世意有求田問舍言無可採何緣當與君語
如小人欲卧百尺樓卧君于地何但上下牀之間耶然
介甫屢用之求田問舍轉無成更覺求田問舍遲請蜀

志曰無人語與劉立德求田問舍語最高又有遊西霞
庵云求田此山下終欲忤陳登豈非力欲轉此一重案
與

岑參送顏平原詩序云十二年春有詔補尚書郎十數
公為郡守上親賦詩觴羣公于蓬萊仍賜以繒帛寵餞
加等故參為長篇述其事安祿山亂明皇曰河北二十
四郡無一忠臣耶及聞平原獨固守乃曰朕不識真卿
何如人乃所為若此前日之燕賚真具文爾

退之云偶然題作木居士便有無窮求福人可謂切中
時病凡世之趨附權勢以圖身利者豈問其人賢否果
能為國為民哉及其敗也相推入禍門而已聾俗無知
諂祭非鬼無異也

杜維及馬與鷹甚多亦屢用屬對如老驥倦知道蒼鷹
飢着人驥病思偏秣鷹愁苦怕籠放蹄知志驥捩翅服
蒼鷹老驥倦驟首飢鷹愁易馴馬行云吾聞良驥老始
成此馬數年人更驚又不比俗馬空多肉一洗萬古凡

馬空揚監出畫鷹云干戈少暇日真骨老崖嶂為君除
狡兔會見翻鞞上王兵馬六角鷹云安得爾輩皆其羣
驅出六合梟鷲分畫鷹云何當擊凡鳥毛血灑平蕪餘
尚多有之蓋其志遠壯心未甘伏櫪疾惡剛腸尤思排
擊語曰驥不稱其力稱其德也左氏曰見無禮于其君
者如鷹鷂之逐鳥雀也少陵有馬

吳邁遠好自高而蚩鄙他人每作詩得稱意語輒以擲
地下大呼曰曹子建何足數哉袁淑謂人曰我詩有生

氣亦以用心深苦俄爾有得宜不勝其喜也子美云語
不驚人死不休貫休謂得句先呈佛皆為此也

林和靖贈人詩云馬從同事借妻怕罷官貧頗能狀寒
原態抑又有意所謂怕貧者婦人女子耳大丈夫之不
移何隕穫之有子美長貧任婦愁亦以男子未嘗愁也
讓粟不謀妻以明謀及婦人不得辭也又云浮生有定
分飢飽豈可逃嘆息謂妻子我何隨汝曹樂天云妻孥
不悅生怪問而我醉卧方陶然退之曰莫為兒女態戚

嗟憂賤貧

老杜畏人有云門徑從榛草無心待馬蹄又直須上畚
看成竹客至從嗔不出迎將遺物離人笑答嚴八乃云
只須我竹開荒徑拄杖看花聽馬蹄又有草萊無徑欲
教鋤亦如厭就成都卜而云憑將百錢卜漂泊問君平
自智觀之則為遊戲篇章得大自在俗士拘泥則前後
不相應也東坡谷林堂云古今正是同歲月何必書游
香積山又云尋幽志不繼書版記歲月

蕭思話先于曲阿起宅有閑曠之致子惠基嘗謂所親
曰須婚嫁畢當歸老舊廬故元次山招陶別駕云無或
畢昏嫁竟為俗務牽退之云如今便可爾何用畢昏嫁
嘗恨王子猷作此君語輕以難名著告人遂使庸夫俗
子忘意其間酤坊茗肆適以汙累之謫仙云但得醉中
趣勿為醒者傳此理信然和靖招靈蛟云百千幽勝無
人見說向吾師是淺機

東坡此味只憂兒輩覺逢人休道北牕涼人生此樂須

天賦莫遣兒曹取次知使子猷知此必錯其咏也和靖
與士大夫詩未嘗不及遷擢與舉子詩未嘗不言登第
視此為何等隨緣應接不為苟難亢絕如此

老杜云本無軒冕意不是傲當時鐘鼎山林各天性濁
醪麩飯任吾年道義重而不輕王公者也阮孝緒南平
王致書要之不赴白非志驕富貴但性畏廊廟使麤麩
可駭何異驥駮

靈徹有相逢盡道休官去林下何曾見一人世傳為口

實凡語有及抽簪即以此譏之余謂矯飾固人固不足
論若出于至誠時對知己一吐心胸何害嘗觀昌黎送
盤谷云行抽手版付丞相不待彈劾歸農桑贈侯喜便
當提携妻與子南入箕穎無還時如今便當去咄咄無
自癡如今更誰恨可便耕灞滻此類凡數十豈苟以飾
口哉其剛勁之操不少屈何素守定故也

昔人用五馬事多因遊遨動出處方用之如老杜賦王
閬州餞蕭遂州云二天開籠餞五馬爛生光其實主去

佳分矣又送李梓州五馬何時到贈嚴武五馬舊曾語
小選送賈閣老出汝州人生五馬貴太白五馬莫留連
岑參門外不須催五馬戎昱五馬幾時朝魏闕子厚五
馬助征駢樂天五馬無由入酒家坡鼓吹未容迎五馬
此理恐未安也

王夷甫蔡景節並號口不言錢二子皆因弊矯之者行
以其妻貪恠贖貨至藉俠士李陽以懼之樽在臨海其
婢納女巫之賂為百姓搥登聞鼓其絕口蓋有由然如

子美張籍皆云呼兒散寫乞錢書太白顏公三十萬盡
赴酒家錢岑參閑時耐相訪正有林頭錢小杜清貧長
欠一杯錢坡滿江風月不論錢山谷青山好去坐無錢
不啻諸公之高也

或問鄭縈相國近有詩否答云詩思在灞橋風雪中驢
背上此處那得之北夢瑣言載縈本有詩名本無廊廟
之望及登庸中外驚駭太原兵至渭北天子震恐渴于
攘却縈請于文宣王謚中加一哲字其不完時病率如

此類愚謂似此人只可置之風雪中作詩也

明宗召蜀中舊臣賦蜀主降巨唐詩王偕等皆譏荒淫
獨中丞牛希濟曰唐主再懸新日月蜀王難保舊山川
明宗曰希濟不諂君親忠孝也賜綵百段余謂希濟但
兩解之辭而已江革云不能殺身報主得死為幸誓不
為人執筆此可以勵臣子之節

韋蘇州贈李儋云身多疾病思田里邑有流亡媿俸錢
郡中燕集云自慙居處崇未覩在民康余謂有官君子

當切切作此語彼有一意供租專事土木而視民如仇者得無愧此詩乎

漁樵閒話載唐末有宜春人王穀以歌詩擅名常作玉樹曲略云璧月夜瓊樓春連舌泠泠詞調新當時狎客盡豐祿直諫犯顏無一人歌未闕晉王劍上粘腥血君臣猶在醉鄉中一面已無陳日月此調大播人口穀未第時常于市廛中見有同人被無賴輩歐擊穀前救之揚聲曰莫無禮便是解道君臣猶在醉鄉中一面已無

陳日月亡賴者聞之慚謝而退蓋譏當時士大夫掩蔽人善殆此小人不若余謂漁樵持假以自喻耳亡賴所以悔過從善頓平其凶暴之氣者非重其才也非重其名也蓋重其言有補于治亂安危也

碧溪詩話卷二

欽定四庫全書

碧溪詩話卷三

宋 黃徹 撰

老杜觀打魚云設網萬魚急蓋指聚斂之臣苛法侵漁使民不聊生乃萬魚急也又云能者搯舟疾若風撐突波濤挺义入小人舞智趨時巧宦數遷所謂疾若風也殘民以逞不顧傾覆所謂挺义入也日暮蛟龍改窟穴山根鱸鮪隨雲雷魚不得其所龍豈能安居君與民猶

是也此與六義比興何異吾徒何為縱此樂暴殄天物
聖所哀此樂而能戒又有仁厚意亦如前王作網罟設
法害生成不專為取魚也退之義魚曰觀樂憶吾僚異
此意矣亦如蘄簞云但願天日常炎赫

賓客集添爐擣雞舌洒水淨龍鬚駱賓王桃花嘶別路
竹葉瀉離尊此體甚衆惟柳子厚從崔中丞過盧少府
郊居一聯最工云詩藥閒庭延國老開尊虛室對賢人
似稱坐客而有兩意蓋甘草為國老濁酒為賢人故也

夢得又有藥爐燒姪女酒甕貯賢人近于湯燖右軍矣
余嘗為郊行詩云江干食息呼扶老木末攀緣訴宛童
乃古今註禿鷲一名扶老爾雅女蘿謂之宛童也又題
一士人居云但遣一枝居巧婦不殊大厦賀嘉賓蓋用
爾雅鷓鴣谷名巧婦炙穀子雀一名嘉賓言集人屋如
嘉賓也樂天曾用巧婦對慈姑

謝元暉善為詩任彥昇工於筆又云任筆沈詩劉孝綽
稱弟儀與威云三筆六詩故杜牧之云杜詩韓筆愁來

讀似倩麻姑瘡處抓近人兼用之臨川云閒中用意歸
詩筆靜裡安身比泰山坡云水洗禪心都眼淨山供詩
筆總眉愁

柳遷南荒有云愁向公庭問重譯欲投章甫作文身太
白云我似鷓鴣鳥南遷嬾北飛皆福伎踪辭非馱詼倦
倦之義杜云馮唐雖晚達終覲在皇都愁來有江水安
得北之朝其賦張曲江云歸老守故林戀闕悄延頸乃
心王室可知

靖節歡言酌春酒日暮天無雲此處賦詠而樂堯舜者
也堯舜之道即田夫野人所共樂者惟賢者知之爾鍾
嶸但稱其風華清美豈直為田家語其樂而知之異乎
衆人共由者嶸不識也

老杜十暑岷山葛三霜楚戶礎九鑽巴峽火三蟄楚祠
雷其書歲月也新矣樂天云吳郡兩回逢九月越州四
度見重陽去年八月十五夜曲江池畔杏園邊今年八
月十五夜湓浦沙頭水館前又前年九日餘杭郡呼賓

命宴虛白堂去年九日到東洛今年九日來吳鄉兩邊
蓬髮一時白三處菊花同色黃其質直叙事又是一格
山陰野雪興難乘佳辰強起食猶寒皆斡旋其語使就
音律近集有天上驕雲未肯同十年江海別常輕花下
壺盧烏勸提與君蓋亦不須傾皆此法也

昌黎送劉師服云攜持令名歸自足貽家尊蘇州送黎
尉云祇應傳善政朝夕慰高堂誠儒者迂濶之辭然貪
饕苟得污累其親孰若清白之為愈

舊說賈島詩如鳥從井口出人自岳陽來貫休此夜一
輪滿清光何處無皆經年方得偶句以見其辭溢意苦
若非好事者誇辭亦謬用其心矣

杜夜宴左氏莊云檢書燒燭短燭正不宜觀書檢閱時
暫可也退之短檠二尺便且光可謂燈窓中人語猶有
未便燈不籠則損目不宜勤且久山谷夜堂朱墨小燈
籠可謂善矣而處堂非夜久所宜子瞻云推門入室書
縱橫蠟紙燈籠晃雲母慣親燈火儒生酸態盡矣

韋應物贈李侍御云心同野鶴與塵遠詩似冰壺徹底清又雜言送人云冰壺見底未為清少年如玉有詩名此可謂用事之法蓋不拘故常也

子厚晚行云機心久已忘何事驚麋鹿又放鷓鴣詞云破籠展翅當遠去同類相呼莫相顧惜乎知之不早爾柳讀書篇云瘴疴擾靈府日與往昔殊臨文作了了微卷兀若無蓋嘗答許京兆書云往時讀書不至底滯今每讀一傳再三伸卷復觀姓氏在宗元則為瘴疴所擾

他人乃公患也

夢得送周使君云只恐鳴騶催上道不容待得晚菘嘗
乃周彥倫答文惠太子問山中菜食云春初早韭秋末
晚菘此以兩字用事者送熊判官云臨軒弄郡章得人
方付此乃用漢高弄印晚堯事此一字用事者

鍾嶸稱張茂先惜其兒女情多風雲氣少喻鳧嘗謁杜
紫微不過乃曰我詩無綺羅鉛粉宜不售也淮海詩亦
然人戲謂可入小石調然率多美句但綺麗太勝爾子

美並蒂芙蓉本自雙水荇牽風翠帶長退之金釵半醉
坐添春牧之春風十里揚州路誰謂不可入黃鍾宮也
張文潛去雲懷無咎云但覺欠此公或傳其生語文潛
自以欠字為得意然夢得送皇甫云從茲洛陽杜吟咏
欠書生樂天可憐閑氣味惟欠與君同得君更有無限
意猶恨尊前欠老劉退之云今者誠自幸所懷無一欠
張何得意之有

舉人過失難于當其尤者臧孫之犯門斬關惟孟椒能

數之臧統謂國有人焉必椒也其難如此司馬相如竊
妻滌器開巴蜀以困苦鄉邦其過已多至為封禪書則
諂諛蓋天性不復自新矣子美猶云竟無宣室召徒有
茂陵求李白亦云果得相如草仍餘封禪文和靖獨不
然曰茂陵他日求遺藁猶喜曾無封禪書言雖不迫責
之深矣李商隱云相如解草長門賦却用文君取酒金
亦舍其大論其細也舉其大者自西湖始其後有譏其
諂諛之態死而未已正如捕逐寇盜先為有力者所獲

搯其吭而騎其項矣餘人從旁助搖縛耳

太白辭粟卧首陽屢空飢顏回當代不飲酒虛名安在
哉君不見梁王池上月昔照梁王尊中酒梁王已去明
月在黃鶴怨解啼春風分明感謝眼前事莫惜醉卧桃
園東又平原君安在科斗生古池坐客三千人而今知
有誰君不見孔北海英風豪氣今安在君不見裴尚書
土墳三尺蒿藜居此類者尚多愚謂雖累千萬篇只是
此意非如少陵傷風憂國感時觸景忠誠激切蓄意深

遠各有所當也子美除草云草有害於人曾何生阻修
芒刺在我眼焉能待高秋其憤邪嫉惡欲芟夷蘊崇之
以肅清王所者懷抱可見臨川有勿去草草無惡若比
世俗浮薄此方外之語異乎農夫之務去者也

游山寺云雖有古殿存世尊亦蒙塵山僧衣藍縷告訴
梁棟摧本即所賦事自然及于乘輿蒙塵股肱非材之
意豈非忠義所感一飯不忘君耶

石溪詩話卷三

欽定四庫全書

碧溪詩話卷四

宋 黃徹 撰

扁舟空老去無補聖明朝又云報主身已老以稷契輩人而使老於閑曠非惟不形怨望且惓惓如此彼遭時過主言聽計從復幸年髮未暮而不能據誠僂力以圖報効良不愧此與

杜詩四韻并絕句味之皆覺字多以字字不開故也他

人雖長篇若無可讀正如賢人君子並處朝廷但得一
二相助已號得人若不能為有無者縱千百輩蔑如也
寄題江外草堂云誅茅方一畝廣地方連延經營上元
始斷手寶應年敢謀土木麗自覺面勢堅又題衡山縣
學堂云旄頭琴紫微無復俎豆事嗚呼已十年儒服敝
于地衡山雖小邑首倡恢大義講堂非曩造大屋加塗
墜可下容萬人牆隅亦深邃林木在庭戶密幹疊清翠
有井朱夏時轆轤凍階祀采詩倦跋涉載筆尚可紀豈

不是草堂縣學記

寄李員外云遠行無自苦內熱比如何寄旻云舊來好事今能否老去新詩誰與傳岑參云喬生作尉別來久因君為問平安否魏侯校理復如何前月人來未得書夫子素多疾別來未得書北庭苦寒地體內今何如樂天寄夢得云病後能吟否秋來曾醉無退之贈立之云長女當及事誰後出螭縞諸男皆秀朗幾能守家規亦皆書一通也

舊觀臨川集肯顧北山如琴約與公西崦斲蒼苔常愛
其斲字最有力後讀杜集當為斲青冥藥許隣人斲退
之詩翁憔悴斲荒棘寥豁斲株檠子厚戒徒斲雲根雖
一字法不無所本

杜尋范十隱居云侍立小童清義山憶正一雲烟爐消
盡寒燈晦童子開門雪滿松子厚日午獨覺無餘聲山
童隔竹獻茶白秀老云夜深童子喚不起猛虎一聲山
月高閑居山間景年頗得此數詩氣味

古人作詩有用經傳全句選詩云小人計其功君子道
其常樂天疾惡若巷伯好賢如緇衣乃兩句渾用之韓
無妄之憂勿樂喜杜誰謂荼苦甘如薺富貴于我如浮
雲近人亦用史語坡云人言盧杞似奸邪我見鄭公但
媿媚嘗觀南史載王宜興云為劫不須伴甚似工側韻
五言但無題目耳

律詩有一對通用一事者更尋嘉樹傳莫忘角弓詩乃
左傳韓宣子聘魯嘗賦角弓及譽嘉樹魯人請封植此

樹以無忘角弓介甫久諳郭璞言多驗老比顏含意更
疎乃景純欲為顏含筮含曰年在天位在人修已而天
不與命也守道不回性也人自有性命無勞著龜

坡云通家不隔同年面得路方知異日心乃唐人責同
年不赴期集辭云紫陌尋春尚隔同年之面青雲得路
可知異日之心也

任昉別謝言揚詩云詎念耄嗟人方深老夫托報劉孝
綽曰詎慰耄嗟人徒深老夫托畧改一兩字豈以會意

處欲常用之耶

臨川有莫搖落獻南山又云木落岡巒因自獻如云名
譽子真矜谷口事功新息困壺頭又未愛京師傳谷口
但知鄉里勝壺頭昔人行事措意默與已合則喜用之
馬少遊欲乘下澤御款段不去鄉里雖自謀獨善亦可
為貪躁之戒伏波在浪泊下潦上霧仰視飛鳶跼跼墮
水中卧念少遊平生時語以為何可復得故東坡云何
須更待飛鳶墮方念平生馬少遊以其可喜不直押韻

也

武帝見顏駟龐眉皓首問何時為郎何其老也對曰文帝好文而臣好武景帝好老而臣尚少陛下好少而臣老矣老子為郎此事尤著竊怪老杜屢傷為郎白首每稱馮唐而罕及駟愚謂駟生既不過三君身後復不過老杜可笑也

老杜途窮反遭俗眼白本用阮籍事意謂我輩本宜以白眼視俗人至小人得志嫉視君子是反遭其眼白也

倒用之亦如水清及多魚乃倒用水至清則無魚也夢
得云酌我莫憂狂老來無逸氣乃倒用蓋次翁無多酌
我寄謝稽中散予無甚不堪倒用絕交論坡云後生可
畏吾衰矣刀筆從來錯料堯周昌以趙堯刀筆後果無
能為所料信不錯而云錯料堯亦以涉譏謗倒用爾又
有窮鬼神須呼乃知飯後鐘闌黎其眼他年五君咏山
王一時數皆倒用也

世傳五月十三日為竹迷日凡種竹多以五月杜云東

林竹影薄臘月更須栽則唐人種竹用季冬月也又云平生憇息地必種數竿竹嘗欲闢小軒以必種目之前輩戲語以郊外呵喝月下燭籠皆謂之殺風景介甫戲示穎叔云但怪傳呼殺風景豈非禪客夜相投蓋用此也

唐諺云槐花黃舉子忙東坡有強隨舉子踏槐花槐花還似昔年忙又黃山谷云槐催舉子踏花黃是也

坡有試問高吟三十首何如低唱兩三杯又譬如長鬣

人不以長為苦歸來被上下一夜着無處天覺真贊云
書生大抵多窮相金眼除非是黨公皆笑林語也杜云
嗜酒狂嫌阮知非晚笑遽近集有云素書欸欸誰憐杜
采筆隨隨獨勝江榻畔烟花常帶杜海中童州尚追徐
河魚潰腹空號楚汗足流骸始信吳皆用此格永叔堪
笑區區郊與島螢飛露濕吟秋草以為二子之窮然子
美亦有暗飛螢自照水宿鳥相呼幸因腐草出敢近太
陽飛雖吟咏微物曾無一點窮氣孟郊詩最淡且古坡

謂有如食彭越竟日嚼空螯退之論數子乃以張籍學古淡東野為天葩吐奇芬豈其勉所長而諱所短抑以東野古淡自足不待學耶

用自已詩為故事須作詩多者乃有之太白云滄浪吾有曲相子棹歌聲樂天須知菊酒登高會從此多無二十場明年云去秋共數登高位又被今年減一場過栗里云昔嘗詠遺風著為十六篇蓋居渭上醞熟獨飲曾效淵明體為十六篇又贈微之云昔我十年前曾與君

相識曾將秋竹竿比君孤且直蓋舊詩云有節秋竹竿
也坡赴黃州過春風嶺有兩絕句後詩云去年今日關
山路細雨梅花正斷魂至海外又云春風嶺下淮南村
昔年梅花曾斷魂又云柯邱海棠吾有詩獨笑深林誰敢
侮又畫竹云吾詩固云爾可使食無肉

謁帝似馮唐垂白馮唐雖晚達馮唐毛髮白又長卿多
病久我多長卿病病渴污官位杜以其為郎故用之若
他人老與病者恐不可繫使

臨川蕭蕭出屋千尋玉靄靄當窓一炷雲皆不名其物
然子厚破額山前碧玉流已有此格近詩葦芽已作小
兒拳退之已有初拳幾枝蕨

老杜復見諸山得銀鑿舊註引禮記山出器車註蓋瑞
應圖曰王者讎不及醉刑罰中人不為非則銀甕出也
昌黎我有雙飲醜其銀得朱提見漢志朱提銀八兩為
一流注朱提屬犍為乃邑名也

舊說賈閻仙杼思僧敲月下門或引手作推勢遂衝戶

節世傳為美談舊于太學得江御史詩一軸有督人和
詩云直饒公補經時序若是推敲總可刪以是知雷同
相從非善學也

茗溪詩話卷四

欽定四庫全書

碧溪詩話卷五

宋 黃徹 撰

錢惟演為洛帥留守始置驛貢花識者鄙之蔡君謨加
法造小團茶貢之富彥國嘆曰君謨乃為此耶坡作荔
枝嘆曰我願天公憐赤子莫生尤物為瘡痍雨順風調
百穀登民不飢寒為上瑞君不見武夸溪邊粟粒芽前
丁後蔡相籠加吾君威德豈在此致養口體何陋耶又

不見洛陽丞相忠孝家可憐亦進姚黃花補世之語不復能易也嘗愛李敬方汴河直進船詩云汴水通淮利最多生人為害亦相和東南四十三州地盡取脂膏是此河北等語皆可為炙背之獻也張無盡嘗和山字云安得將明似仲山人疑之以近人所常用皆山甫也觀後漢志陽樊攢茅田服虔註云樊仲山所居又楊修答臨流侯箋云仲山周旦之儔只稱仲山何疑之有

北夢瑣言載江陵在唐世號衣冠藪澤人言琵琶多如

飯甑措大多如鯽魚退之酬崔少府伊陽詩云下言人
吏栻惟足彪與彪余官辰溪時士人皆可喜而不多得
近城人虎雜居戲為對云圓冠思得多于鯽刻木惟宜
少似彪

介甫宜春苑詩云無復增修事君王惜費金乃暗用漢
文惜百金之產而輟露臺事

柳子厚牡丹曰歌紅醉濃露窈窕留餘春坡云慙勤木
芍藥獨自殿餘春留與傲重輕雖異用各有宜也楊中

丞梅詩云欲驅殘臘變東風只有寒梅作選鋒頗恨不
與殿軍商確正一的對

沈約命王筠作郊居十詠書于壁不知篇題約云此詩
指物呈形無假題署老杜贈李潮八分歌云吾甥李潮
下筆親開元已來數八分潮也奄有二子成三人況潮
小篆逼秦相巴東逢李潮潮乎潮乎奈汝何退之招揚
之杲曰之杲南山來文字得我驚我令之杲歸實待柏
與馬之杲別我去計出柏馬下我自之杲歸入門思而

悲之果別我去能不思我為作詩招之果晨夕抱飢渴
余嘗戲謂此二詩真不須用題署也

莊子文多奇變如技經首縈之未嘗乃未嘗技經首縈
也詩句中時有此法如昌黎一蛇兩頭見未曾拘官計
日月欲進不可又君不強起時難更坡迨此雪霜未茲
謀待君必聊亦記吾曾餘人罕敢用凡聚落相近期某
且集交易闐然其名為虛柳云綠荷包飯起墟人臨川
云花間人語起朝虛山谷筍葉裹鹽同起墟人集春蔬

好趣墟

江漢有滸以扞制泛濫大漲則溢于平陸水退滸見舟人謂之水落槽又灘石激湍其中深僅可容舟者謂之洪若大水則不復問洪矣臨川萬里寒江正復槽東江木落水分洪以此亦謂水黃帽謂雲砲車非遐征遠涉不能知也

退之心訝愁來惟貯大眼知別後自添花臨川云髮為感傷無翠葆眼從瞻望有玄花韓久欽江總文才妙自

嘆虞翻骨相凡王云久諳郭璞言多驗老比顏含意更
疎韓我今罪重無歸望直至長安路八千永叔今日始
知予罪大夸陵去此更三千柳十年顛顛到秦京誰料
今為嶺外行五十年江海別常輕宜料今隨寡嫂行柳
直以疎慵招物議休將文字起時名王直以文章供潤
色未應風月負登臨柳十一年前南渡客四千里外北歸
人又一身去國六千里萬死投荒十二年蘇七千里外
二毛人十八灘頭一葉身黃五更歸夢三千里一日思

親十二時皆不約而合句法使然故也

永叔以昌黎比介甫答云他日若能窺孟子終身何敢
望韓公吳季楚以方賈誼答云俯仰謬思方自歎慚君
將比洛陽人皆憤然不平如惡無鹽唐突而宋景山贈
文忠詩有才如夢得多為累情似安仁久悼亡即開門
當之二公何抑揚之異也

李翱賦云衆囂囂而雜處兮咸嘆老而嗟卑顧予心獨
不然兮慮行道之猶非文忠屢稱之觀老杜漢陰有鹿

門滄海有靈查馬能學衆口咄咄苦咨嗟正同此意
牧之有公道世間唯白髮貴人頭上不曾饒嘗愛其語
奇怪似不韜襲後讀子美苦遭白髮不相放為之撫掌
否卦色承小人吉說者謂小人在下者色之小人在上
者承之蓋處否當然杜云曲直吾不知負暄候樵牧是
非何處定高枕嘆浮生洗眼看輕薄虛懷任屈伸寄謝
悠悠世上兒不爭好惡莫相疑其寄傲疎放擺脫世網
所謂兩忘而化其道者也

顏延之嘗問鮑昭已與靈運優劣昭曰謝五言如初發芙蓉自然可愛君詩鋪錦列繡亦彫績滿眼鍾嶸詩品乃記湯惠休云謝如芙蓉出水顏如錯采鏤金與本傳不同又稱延之嘗薄惠休制作以為委巷中歌謠耳豈惠休因延之所薄遂為芙蓉錯鏤之語故史取以文飾之耶坡云辨才詩如風吹水自成文理吾輩與參寥如巧婦織錦耳取況亦類此淵明所以不可及者蓋無心于非譽巧拙之間也

老杜卿到朝廷說老翁漂零已是滄浪客又朝覲從容
問幽仄勿云江漢有垂綸其後夢得送陳郎中云若問
舊人劉子政而今頭白在商於送惠休則云休公久別如相
問楚客逢秋心更悲小杜江湖酒伴如相問終老烟波
不記程交遊話我憑君道除却鱸魚更不聞商隱寄崔侍
御云若向南臺見鴛友為言垂翅度春風臨川故人一
見如相問為道方尋木鴈編歸見江東諸父老為言飛
鳥會知還聖俞倘或無忘問姓名為言嬾拙皆如故坡

單于若問君家世莫道中朝第一人皆有所因也

愚寄孟刑部聯句云美君如道腴逸步謝天械或問道
果有味乎愚曰如介甫午雞聲不到禪林柏子烟中靜
擁衾竹雞呼我出華胥起滅篝燈擁燎爐各據槁梧同
不寐偶然聞雨落階除皆淡泊中味非造此境不能形
容也

劉昭禹云五言如四十個賢人着一個屠沽不得覓句
者若搃得玉匣子有底有蓋但精心必獲其寶然昔人

園柳變鳴禽竟不及池塘生春草餘霞散成綺不及澄
江靜如練春水船如天上坐不若老年花似霧中看開
几硯中窺水淺不如落花徑裡得泥香停盃嗟別久不
及對月喜家貧神林社日鼓不若茆屋午時雞此數公
未始不精心似此知全其實者未易多得

古柏云大厦如傾要梁棟萬牛回首坵山重此賢者之
難進易退非其招不往者也又云不露文章世已驚未
辭剪伐誰能送先器識後文藝與浮躁銜露者異矣

杜云爾輩可忘年含淒覺汝賢送爾維舟惜此筵汝與
山東李白好自俗觀之則為簡傲詩家不然亦嘗有云
忘形到爾汝

花柳歌用其快鶻風火生南史曹景宗謂所親曰昔在
鄉里與年少輩拓弓弦如磬礮聲放箭如餓鴟叫覺耳
後生風鼻尖出火子美蓋不拘泥于鴟鴞之異也

碧溪詩話卷五

欽定四庫全書

集部

碧溪詩話卷十

六五

詳校官監察御史臣沈孫鍾

主事銜臣徐以坤覆勘

總校官編修臣王燕緒

校對官中書臣宋枋遠

謄錄監生臣舒秀岐

欽定四庫全書

岩溪詩話卷六

宋 黃徹 撰

元道州春陵行云所願見王官撫養以惠慈奈何重驅
逐不使存活為緩逋違詔令蒙責固所宜亦云貴守官
不愛能適時退賊示官吏云使臣將王命豈不如賊焉
令彼徵斂者迫之如火煎誰能絕人命以作時世賢子
美志之曰今盜賊未息知民疾苦得結輩十數公為邦

伯萬物吐氣天下少安立可待矣余謂漫叟所以能然
先民後已輕官爵重人命故也觀其石魚詩云金魚吾
不須軒冕吾不愛此所以能不徇權勢而專務愛民也
杜云乃知正人意不苟飛長纓可謂相知深矣

漫叟無為洞口云洞旁山僧俱學禪无求无欲更忘年
又云無為洞口春水滿无為洞旁春雲白愛此躊躇不
能去令人悔作衣冠客岑參宿仙遊寺云寄報乘軒客
簪裾爾何容臨川和秀老云解我葱珩脫孟勞莫率甘

與子同袍比之退之云方將斂之道且欲冠其顛向風
長嘆不可見我欲收斂加冠巾异矣六一有自慚前引
朱衣吏不稱閑行白髮翁說者謂不言亦可然次山宿
丹崖翁宅詩亦云吾將求退與翁遊學翁歌醉在漁舟
官吏隨人住未得却望丹崖增慙羞吁非淫於富貴者也
心蹟喜雙清茶瓜留客遲似非用事觀靈運齊中詩云
矧乃歸山川心跡雙寂寞竟陵王子良禮才好士夏月
客至為設瓜飲甘果二詩蓋用此至若梭拂子云啞膚

倦撲滅賴爾甘服膺雖等閑題目無一字無出處

老杜劉少府畫山水幃歌云反思前夜風雨急乃是滿
城鬼神入元氣淋漓幃猶濕真宰上訴天應泣應物聽
嘉陵江聲云水性自云靜石中本無聲如何兩相激雷
轉空山鳴贈能吟李儋詩云絲桐本異質音響合自然
吾觀造化意二物相因緣臨川詠魯公壞碑云六書篆
籀數變改遂令後世多失真誰非妄鑿奸與醜坐令學
士勞骸筋堂堂魯公勇且仁豈亦以此誇常民直疑伎

巧有天德不必強勉亦通神坡詠歛硯詩云與天作石
來幾時與人作硯初不辭詩成鮑謝石何與筆落鍾黃
硯不知此皆窮本探妙超出準繩外不特狀寫景物也
蘇州贈趙氏生云寧知風雨夜復此對床眠簡盧氏生
云忽羨後生連榻話獨依寒燭一齋空又贈令狐士曹
云秋霖滴滴對床寢山路迢迢連騎行坡有夜雨何時
聽蕭瑟對床欲作連夜語誤喜對床尋舊約對床老兄
弟夜雨鳴竹屋

蕭文真能書善畫於扇上圖山水咫尺之內便覺萬里
為遙老杜戲題山水圖云尤工遠勢古莫比咫尺應須
論萬里乍讀似非用事如男兒既介冑長揖別上官用介
冑之士不拜婦人在軍中兵氣恐不揚用軍中豈有女
子乎皆用其意而隱其語牧之贈阿宜一日讀十紙一
月讀十箱古人讀書以紙計范雲就袁叔明讀毛詩日
誦九紙又袁峻家貧無書每從人借必皆抄寫日課日
五十紙臨川道德文章吾事落南華夫子盍行邪無落

吾事乃柳詩有惆悵樵漁事今還又落然恐亦用此
性豪業嗜酒疾惡懷剛腸飲酣視八極俗物都茫茫此
子美胷中語也宜其孩弄嚴武貌視禮法而朱老阮生
皆預莫逆遭田夫泥飲至被肘而不悔其內直外曲彊
禦不畏矜寡不侮非世俗所能測也許身一何愚自比
稷與契杜陵布衣老且愚信口自比契與稷其平居趣
造自是唐虞上人特夸儀秦似不可曉飄飄蘇季子六
印佩何遲敝裘蘇季子歷國未知還季子黑貂敝得無

妻嫂欺戰國奸臣蘇張為渠魁此老不應未喻及觀薇
蕨餓首陽裘馬資歷聘賤子欲適從疑誤此二柄其意
甚明前言蓋戲云

永叔萬釘寶帶爛腰環人謂此帶幾度道着觀子美緋
魚亦及之扶病垂朱紱挈滯着朱紱銀章付老翁世未
嘗譏之者豈以其人品不止宜此服也固常有云朱紱
負平生又云居然縮章紱受性本幽馱

臨川慷慨秋風起悲歌不為鱸眉山不須更說知幾早

直為鱸魚也自賢反復曲折同歸一意亦如把酒祝公
公莫拒緇衣心為好賢輕我欲折縑留此老緇衣誰作
好賢詩共用一事而造語居然不同

唐史載杜審言嘗云吾文當得屈宋作衙官其孫乃有
讀書破萬卷下筆如有神謂蘇味道見吾判且羞死甫
乃有集賢學士如堵牆看我落筆中書堂謂為造化小
兒所苦甫有日月籠中鳥乾坤水上萍所謂是以似之
也

坡次韻樂著作云楚雨遂昏雲夢澤吳潮不到武昌宮
又武昌西山云同遊因卧九曲嶺褰衣獨到吳王臺失
於一時筆快遂以王宮目之繼有李成伯題云嗟嗟漢
鼎久傾東肉食曾無智與忠孟德挾君交號令本初竊
地搶奸雄武侯偶失三分策孫氏俄成一戰功寂寞西
山舊巢穴庸兒猶道帝王宮語幾乎罵矣但渠偶不記
其家太白曾作武昌韓宰去思碑云黃金之車大吳天
子武昌鼎據實為帝里其罪更大也

西湖橫斜浮動之句屢為前輩擊節但恨未見全篇及得其集
觀之云衆芳搖落獨鮮妍占盡風情向小園疎影橫斜水清
淺暗香浮動月黃昏霜禽欲下先偷眼粉蝶如知合斷
魂幸有微吟可相狎不須檀板共金尊其卓絕不可及
專在十四字耳又有七言數篇皆無如池水倒窺疎影
動屋檐斜入一枝低雪後園林纔半樹水邊籬落忽橫
枝之句

杜云築場憐蟻穴拾穗許村童人謂有仁民愛物意臨

川咏促織云只向貧家促織杆幾家能有一絢絲余謂
世之嚴督征賦不恤疲瘵之有無者雖魁然其形實微
蟲智耳

東來賈客木綿裘飲散金山月滿樓夜半潮來風又熟
卧吹簫管到揚州集中題云夢中作盖坡嘗衣此坐客
誤云木綿襖俗飲散乃出此詩且云雖欲俗不可得也
坐客大慚賈客事乃南史孔覲二弟頗營產業請假東
歸覲出渚迎之輜重十餘船皆綿絹紙席之屬覲偽喜

因命置岸側既而正色謂曰汝輩忝預士流何至還東
作賈客耶命燒盡乃去

沈慶之謂上曰為國譬如治家耕當問奴織當問婢陛
下欲伐國而與白面書生輩謀之事何由濟夢得送李
策云深春風日靜爭長幽鳥鳴僕夫前致辭門有白面
生

碧溪詩話卷六

欽定四庫全書

碧溪詩話卷七

宋 黃徹 撰

困明非畏枯槁其所以感嘆時化推遷者蓋傷時之急
於聲利也非畏亂離其所以愁憤于盜賊者蓋以王室
元元為懷也俗士何以識之

和靖馬從同事借妻怕罷官貧情狀已可喜及觀岑參
送顏少府云愛客多酒債罷官無俸錢戎昱題李明府壁

云料錢供客盡家計到官貧雖欲不喜不得也

杜集多用經書語如車麟麟馬蕭蕭未嘗外入一字如
天屬尊堯典神功協禹謨卿月升金掌王春度玉墀霽
潭鱣潑潑春草鹿呦呦皆渾然嚴重如天陞赤墀植壁
鳴玉法度森鏘然後人不敢用者豈所造語膚淺不類

耶

劉禹錫謫連州作畬田行云何處好畬田團團縵山腹
下種暖灰中乘陽拆茅蘄又作竹枝詞云銀釧金釵來

負水長刀短笠去燒畚嘗觀辰沅亦然瘠土之民宜倍
其勞而耕反鹵莽也夢得蠻子歌云蠻語鈎輶音蠻衣
斑斕布熏狸掘沙鼠時節祠盤飶忽逢乘馬客恍若驚
膚顧腰斧上高山意行無舊路賓客謫居朗州而五溪
習俗盡得之矣

夢得送僧居素云去來皆是道此別不銷魂坡云古今
正是同歲月何必書此等語皆通徹無碍釋氏所謂具
眼也

子美南風作秋聲殺氣薄炎熾盖用易雷風相薄左氏
寧我薄人無人薄我軍志先人有奪人之心薄人也野
餘射麋新本名狀郊居然左氏楚人致晉師晉人逐楚
樂伯餘一矢射麋以獻又晉師及熒澤魏錡射麋以獻
楚潘邠曰子有軍事無乃不給於鮮皆飯於野而射新
事也又市喧囂近利亦止讓東屯所居盖齊侯欲更宴
子宅曰湫隘囂塵宴子辭曰近市小人之利也亦喧而
近利事其餘雖一兩字暗貫經傳者可勝數哉

老杜流落不偶然已為當世所尊嘗有杖藜還客拜又有老病人扶再拜難則其坐深鄉曲敬可知矣雖然樊宗師見劉义詩尚為之獨拜况老杜乎

數物以個謂食為喫甚近鄙俗獨杜屢用峽口驚猿聞一個兩個黃鸝鳴翠柳却遠井欄添個個送李校書云臨歧意頗切對酒不能喫樓頭喫酒樓下卧但使殘年飽喫飯梅熟喜同朱老喫盖篇中大槩竒特可以映帶者也東坡云筆工做諸葛散卓反不如常筆正如人學

作老杜詩但見其羸俗耳

張籍贈令狐云久為博士無人識自到長安賃舍居未足為窮其尋時道士云昨來官罷無生計欲就師求斷穀方其窮無以加矣

蘇州寄璨師云遙知高齋夜凍雪封松竹時有山僧來懸燈獨自宿嘗謂暑月讀之亦有霜氣

唐令狐相進李遠為杭州宣宗曰聞李遠云長日惟消一局棋豈可使治郡哉對曰詩人之言不足有實也乃

薦遠廉察可任此正說詩者不以辭害志也退之和劉使君云吏人休報事公作送春詩夢得送王司馬之陝州云案牘來時惟署字風烟入興便成章自俗吏觀之皆可坐不了事之目也

龍太初自稱詩人謁介甫坐中賦沙云鳥過風平篆潮回日射星成於促迫而切當如此固宜詩人不復措辭然皆有所據韓公聯句云瑤烟羃珠島沙篆印迴平詠月云輝斜通壁練彩碎射沙星

臨川愛眉山雪詩能用韻有云水下寒魚漸可又又羔
袖龍鍾手獨又蓋子厚嘗有江魚或共又又云入郡腰
常折逢人手盡又

張籍嘗移書責退之與人商論不能下氣愈亦有云我
昔實愚慙不能降辭色余謂此乃書生常態昔嘗見太
學中爐亭議題紛喧闐然其後有二生坐是鳴鼓豈直
議禮家為聚訟哉聖俞謝永叔惠酒云始時語且橫既
醉論益堅曾不究世務閑氣爭古先誠有之也

退之咏蚊蠅云涼風九月到掃不見踪跡夢得聚蚊云
清商一來秋日曉羞爾微形飼丹鳥聖俞云薨薨勿久
恃會有東方白

王逢原晝睡云蚊虫交紛始誰造一一口吻如針錐噴
人肌膚得腹飽不解默去猶鳴飛雖然今尚爾無奈尚
有獵獵秋風時小人檢惡豈漏恢網但可僥倖目前耳
左氏天之假助不善非右之也將厚其惡而降之罰也
其時之謂乎

杜詩有用一字凡數十處不易者如緣江路熟俯青郊
傲睨俯峭壁展布俯長流杖藜俯沙渚此邦俯要衝四
顧俯層巔旄頭俯澗瀍層臺俯風渚游目俯大江江檻
俯鴛鴦其餘一字屢用若此類多不可具述子美有同
學少年多不賤又小徑升堂舊不斜郡仙不愁思夕烽
來不近皆人所不敢用甚類周禮凡師不功左傳仁而
不武晉人聞有楚師師曠曰不害楚歸而動不後本以
易無字爾而語勢頌壯唐趙璘述因話錄載其家兵部

君性尤嗜茶能自煎謂人曰茶須緩火炙活火煎坡有
活水還須緩火煎恐亦用此樂天云報道前驅少呵喝
恐驚黃鳥不成啼坡云鬢絲只好對禪榻湖亭不用張
旌旗蔡君謨云因傍低松却飛蓋為聞山鳥輟鳴騶若
俗士正務以此誇張俗眼又豈識數公意

散員疎去未為貴小邑陶休何足云惟樂天早退乃可
語此

子美有朱紱負平生樂天有金帶緹腰衫委地紫綬相

輝應不惡赤紱金章盡到身如此尚多然亦有嘆云實
事漸消虛事在銀魚金帶繞腰光又有簪纓假合虛名
在筋力消磨實事空皆自作解嘲也嘗愛韋蘇州云除
書初到門冠帶便拘束又有謝東林居士寄松英丹云
一拜藍峰送還使腰間銅印與心違言與意俱自在也
房千里作骰子選格序云以六骰雙雙為戲以數多少
為進身官職之序而且條其選黜之目焉東坡以流俗
狂惑經營倘來惴惴惟恐後於他人何异投骰者心動

於中而色形於外欲求勝人者哉王逢原彩選詩云卒
無及物效徒有高人氣昏昏忘所大擾擾爭其細其理
信然

范文正云雷霆日有犯始可報吾親誰謂臣子忠義難
於兩全也泣官不敬戰陳不勇本非事親事禮記以為
非孝公之謂歟

樂天入第後歸覲留別同年云擢第未為貴拜親方始
榮此毛義奉檄而喜之意也論者以春風得意馬蹄疾

決非孟郊語其氣格亦不類而白公亦有得意減別恨
半酣輕遠程翩翩馬蹄疾春日歸鄉情此又不可曉也

范文正淮上遇風云一棹危於葉旁觀亦損神他年在
平地無忽險中人雖弄翰戲語卒然而作魚濟加澤之
心可見未嘗忘也

碧溪詩話卷七

欽定四庫全書

碧溪詩話卷八

宋 黃徹 撰

書史蓄胸中而氣味入於冠裾山川歷目前而英靈助
於文字太史公南游北涉信非徒然觀老杜壯游云東
下姑蘇臺已具浮海航到今有遺恨不得窮扶桑劍池
石壁仄長洲荷芰香嗟峨閭門北清廟映池塘越女天
下白鑑湖五月涼剡溪蘊秀異欲罷不能忘歸帆拂天

姥中歲貢舊鄉放蕩齊趙間西歸到咸陽其豪氣逸韻
可以想見序太白集者稱其隱岷山居襄漢南遊江淮
觀雲夢去之齊魯之吳之梁北抵趙魏燕晉西涉岐邠
涉金陵上潯陽流夜郎泛洞庭上巫峽白自序亦曰偶
乘扁舟一日千里或遇勝景終年不移其恣橫采覽非
其狂也使二公隱坐中書何以垂不朽如此哉燕公得
助於江山鄭綮謂相府非灞橋那得詩思非虛語也
東坡遊金山詩云江山如此不歸山江神見怪驚我頑

我謝江神豈得已有田不歸如江水蓋與江神指水為
盟耳句中不言盟誓者乃用子犯事指水則事在其中
不必詛神血口然後謂之盟也送程六表弟云浮江沂
蜀有成言江水在此吾不食

江水在此吾不食言光武語也東坡去言字殆歇後

也

白公送崔考功云稱意新官又少年秋涼身健好朝天
青雲讓子無多路却要徐驅穩着鞭余謂新進少年躁
銳不已徃徃自取傾覆此詩可謂忠誨矣又有云竿頭

已到應難久局勢雖遲未必輸嘗三復之豈椎鈍者偏
樂聞此等語耶

宋之問陸渾山莊云野人相問姓山鳥自呼名東坡海
外詩云花曾識面香仍好鳥不知名聲自呼蓋古今註
南方有鳥名鷓鴣其名自呼向日而飛柳子厚云楚越
有鳥甘且腴嘲嘲自鳴為鷓鴣

子瞻賦濁醪有妙理首句云酒勿嫌濁人當取醇其末
乃云濁者以飲吾僕清者以飲吾友復立分別則是濁

醪無妙理矣豈非萬斛洶湧不暇檢點故歟

史傳襲稱兄弟為友于故淵明詩云再喜見友于子美
云友于皆挺拔又山鳥山花吾友于南史到蓋從武帝
登北顧樓賦詩蓋受詔便就上以示其祖溉云蓋定是
才子番恐卿從來文章假手於蓋後每和御詩上輒手
詔戲溉曰得無貽厥之力乎退之玉川詩云誰謂貽厥
無基趾二事政可對也

家家養烏鬼沈存中以為鷓鴣說者謂非也元微之詩

卷八
云病賽烏稱鬼巫占瓦作龜自註云南人染病競賽烏
鬼楚巫列肆悉賣瓦卜此乃戲效俳體二首其二亦云
瓦卜傳神語皆是處方言則烏鬼非鷓鴣矣

余昔官辰州嘗借詩集于士人中有小編字云成都集
乃天慶中進士葉沆所作上百篇詩有可觀如閑居感
懷云閒居難報國語直易傷時邨墅云夜庭和月掃秋
戶拂雲闌亦可想見其胷襟矣

介甫梅詩云少陵為爾牽詩興可是無心賦海棠杜默

云倚風莫怨唐工部後裔誰知不解詩曾不若東坡柯
邱海棠長篇冠古絕今雖不指明老杜而補亡之蓋使
來世自曉也

世人喜子美造次不忘君嘗觀其祖審言除夜云還將
萬億壽更謁九重城則教忠之家風舊矣

坡有白衣送酒舞困明人有疑舞字太過者及觀庾信
答王褒餉酒詩未能扶畢卓猶足舞王戎蓋有所本

坡翁社燕巧相違月令來賓事嘗疑人未曾用及觀夢

金史四庫全書
卷八
得秋江晚泊云莫霞千萬狀賓鴻次第飛顧况云安得
凌風翰肅肅賓天京老杜別浦雁賓秋

欲掛衣冠神武門先尋水竹渭南村却將舊斬樓蘭劍
買到黃牛教子孫世傳云一武人詩也不唯勇退雅志
為可喜而易道家所忌之業以示子孫尤可喜也

張籍云愛養無家客多傳得力方坡贈金山元老云蒜
山幸有閑田地招此無家一房客

樂天九日思杭州云笙歌委曲聲延耳金翠動搖光照

身子瞻有懷錢塘云剩有新番着到暈未應泣別臉銷
紅黎元耆舊何遽忘之耶徐攷其集白送杭州姚因思
舊游云閭里固宜勤撫恤樓臺亦要數攀躋蘇亦云細
雨晴時一百六畫船鼙鼓莫違民是未嘗無意于民庶
也白又有故妓數人憑問訊新詩兩首倩流傳坡又有
休驚歲歲年年貌且對朝朝暮暮人大抵淫樂之語多
於撫養之語耳夫子稱未見好德如好色而傷之曰已
矣乎二公未能免俗餘人不必言

白云趨涼行繞竹引睡卧觀書坡引睡文書信手翻書
引睡魔誠人人所同也

辰人以藤代菊酒名釣藤俗傳他處即不可用或謂醞
造之法异耳所在皆可樂天忠州春至詩云閒拈舊葉
題詩詠悶取藤枝引酒嘗則巴蜀亦有之

余嘗論李廣以私憾殺灞陵尉其禍忒險刻決非長者
所以不侯非直殺降之譴也因觀坡云明年定起故將
軍未肯先誅灞陵尉恐亦寓此意

嘗見同儕因行飲令人索一魚名有浙人大唱云周公
魚余謂坐客且喜召伯鮓有對矣滿堂盧胡不止因戲
為足成其語云市鮓先夸召伯浙魚或號周公

坡贈辨才云我比陶令愧公為遠公優時辨才退居未
嘗出入坡往見之遂出至風篁嶺聊使此山人永記二
老游用老杜寄贊上人與子成二老來往亦風流皆一
儒一釋也又寄參寥問少游失解云底事秋來不得
解定中試與問諸天蓋劉禹錫和宣上人賀王侍郎放

榜後詩云借問至公誰印可支郎天眼定中觀不唯兼具
儒釋又正屬科場事其不泛如此

樂天謫潯陽植寄在絳詩云殘燈無焰影幢幢此夕聞
君謫九江垂死病中驚起坐暗風吹雨入寒窻白謂此
句他人尚不可聞况僕心哉至今每吟猶惻惻耳復貽
三韻云憶昔封書與君夜金鑿殿上欲明天今夜封書
在何處廬山庵裏曉燈前去來乃士之常二公不應如
此之戚戚也子瞻送文與可云奪官遣去不自覺曉梳

脫髮誰能收推之前詩厥論高矣然居易答元書以三
秦為報且云可以樂之終身者悲嘆之語恐特傷離索
耳白公罷郡亦嘗有云睡到午時吟到夜回看官職是
泥沙

石曼卿贈鍼師云卧龍有病君醫取心為生靈不為身
王逢原云丈夫出處誠何較知痛蒼生為淚垂賢者設
心不期而合如此皆未行其志惜哉

曼卿紅梅云認桃無綠葉辨杏有青枝坡謂有村學中

金定四庫全書
卷八
體嘗嘲之云詩老不知梅格在強拈綠葉與青枝至于
未應嬌意急發赤怒春遲成均瞽宗無以加也

世人論困明皆以其尚事肥遁初無康濟之念能知其
心者寡也嘗求其集若云歲月擲人去有志不獲騁又
有云猛志逸四海騫翮思遠翥荏苒歲月頽此心稍已
去其自樂田畝乃卷懷不得已耳士之出處未易為世
俗言也

文潛云兒曹鞭笞學官府翁憐兒癡旁笑侮平明坐衙

鞭復呵賢於羣兒能幾何兒曹鞭笞以為戲翁怒鞭人
血流地一種戲劇誰後先我笑謂公兒更賢余謂此詩
亦不可不令搽權者知也坡云不辭脫袴溪水寒水中
照見催租瘢等閑戲語亦有所補

碧溪詩話卷八